

**BOSNA I HERCEGOVINA**  
Ministarstvo vanjskih poslova



**БОСНА И ХЕРЦЕГОВИНА**  
Министарство иностраних послова

Broj: E-05-4-9505-94/20  
Sarajevo, 18.05.2020. godine

**BOSNA I HERCEGOVINA**  
**MINISTARSTVO PROMETA I KOMUNIKACIJA BIH**  
Fax: 033 284 751 i 033 707 694

05 Ro

**BOSNA I HERCEGOVINA**  
**VRLO HITNO**  
MINISTARSTVO PROMETA I TRANSPORTA PROMETA  
SARAJEVO

PRIMLJENO: 19-05-2020

Organizaciona jedinica	Klasifikaciona oznaka	Redni broj	Broj priloga
05	29-5	1182	

**Predmet: Obaveza prevoznika u međunarodnom linijskom i vanlinijskom putničkom saobraćaju iz BiH da vrše najavu autobusa sa putnicima koji iz Bosne i Hercegovine ulaze u Republiku Hrvatsku**

Poštovani,

Kao što vam je poznato, nakon izbijanja pandemije izazvane virusom COVID-19, Ministarstvo vanjskih poslova BiH je formiralo Krizni štab i Tim za krizne situacije, koji se bavi isključivo konzularnom repatriacijom, odnosno povratkom građana Bosne i Hercegovine u domovinu, nakon što su se isti neplanirano zatekli u neugodnoj situaciji van granica Bosne i Hercegovine, kao i asistencijom u repatriaciji stranih državljana u njihove države iz Bosne i Hercegovine.

Ublažavanjem mjera od strane kako nadležnih organa u Bosni i Hercegovini, tako i u državama Evropske Unije, postepeno se normalizuje stanje i javlja potreba za ponovnim angažmanom naših građana na poslovima i drugim obavezama unutar država članica EU. U tu svrhu prevoznike kompanije koje imaju registriranu djelatnost i dozvole za prevoz putnika u linijskom i vanlinijskom saobraćaju su se već angažirale i iniciraju određene aktivnosti vezano za transport naših građana u države EU.

S tim u vezi molimo da obavijestite sve naše kompanije koje su registrovale djelatnost za prevoz putnika u međunarodnom saobraćaju da su dužni da poštuju određene procedure, koje zahtijevaju države u regionu, i da vam za svako planirano putovanje dostavljaju liste putnika sa naznakom vrste odobrenog boravka u nekoj od država u koje putuju. Ovo je potrebno na traženje nadležnih organa Republike Hrvatske, koji su zahtijevali da se za svaki navedeni transport vrši najava tranzita kroz Republiku Hrvatsku, i u tom smislu prosljeđuju spiskovi. Obzirom da se radi o djelatnosti iz nadležnosti Ministarstva prometa i komunikacija Bosne i Hercegovine, molimo da ove spiskove, odnosno najave putovanja obavljate putem naše ambasade u Zagrebu, kojoj traženo, (iz razloga hitnosti) možete dostavljati u neposrednoj komunikaciji na mail: [Amb.Zagreb@mvp.gov.ba](mailto:Amb.Zagreb@mvp.gov.ba), a da kopije istih dostavljate Ministarstvu vanjskih poslova BiH na mail adresu [emergency@mvp.gov.ba](mailto:emergency@mvp.gov.ba) radi našeg informisanja i ažuriranja.

Ukoliko dođe do promjena u procedurama i eventualnim olakšicama vezano za ovu problematiku, blagovremeno ćemo vas informirati.



МОНОЦИК МИНИСТРА

Amir Šahović

## Najava autobusa koji prevoze putnike iz BiH preko teritorije Republike Hrvatske

Ambasada BiH - Zagreb <Amb.Zagreb@mvp.gov.ba>

Fri 5/15/2020 4:58 PM

To: Emergency MFA <emergency@mvp.gov.ba>

Poštovani,

Iz MUP HR smo u telefonskom razgovoru informisani da bi **trebalo da se vrši najava autobusa sa putnicima koji iz Bosne i Hercegovine ulaze u Hrvatsku** (npr. transport državljana koji se iz BiH vraćaju na posao ili na školovanje u Sloveniju, Austriju ili neku drugu zemlju). Odnosno da ova vrsta tranzita, koja nije u svrhu repatrijacije podliježe drugačijim procedurama od onih u kojima se državljani vraćaju u BiH iz trećih zemalja.

S poštovanjem,



VELEPOSLANSTVO BOSNE I HERCEGOVINE U ZAGREBU

Pantovčak 162 A, 10000 Zagreb  
Tel.: +385 1 450 10 70  
Fax: +385 1 450 10 71  
[www.mvp.gov.ba](http://www.mvp.gov.ba)